



### **Introducción [:22-:38]**

Ok, buiti amidi, nugia Roque Reyes Marin tuma nani esposa,

Wadüga aba agürüni lan wanaragua.

Lun lubeigien gawarabeilá haganbuniwa nibireitiun

y sungubei ha lunbaña harihini

anigirá furumieti

**1. Lisesin wawan [1:39-1:31]**

Niri memerügali nubara ah, eh.

Anité fedu niduheñunu oh.

Nabaüdaheinabei houni lirahüñü ubou

Hudu hudu nubei nubadun oh.

Ah ruhumá patiu lini Indura eh.

Áhuralamugei wawan lisesin eh.

Ah, nahuragubeibá üwara luma,

Ida megia wadeirei litebare.

**2. Mutu maraüti [1:32-2:24]**

Ah gudemeti louweni irahü ma.

Gudemeti louweni wügüri, anhei maraüya lubeigia öh, wawan, öh

Oh Nestu oh, sarabatia tuni buguchuru, oh wawan, öh

Ah kasan un oh, bigiron oh, ya ariebu haña, bugia lira Ingulima, öh.

**3. Beiba haña [2:25-3:08]**

Ah dimurei tariengu tuguchuru irahü ma.

Nuguya hamuga bueiya haña

Beiba haña, beiba niraü, beiba öh

Ah maseriwihali eh beyeite haña ah, eh

mabereseğutina lau öh, migirunahali eh

**4. Dunwaguati nege buma ariebu [3:09-3:54]**

Dunwaguati nege buma ya ariebu haña

Mamagu narihin lira, naganbu oh

Badüga le baugua haña öh

Ah, dariwatibu oh, ya ariebu haña

Luagu bibagari eh, ligialatia beresute eh

Eh bagamari yebegia haña,

Lun liroula me ubou.

**5. Pantaü [3:55-4:57]**

Aningitá wurisiu yagüta laugiagua ah, eh

Oh, ah, keimon arihei numa eh

Aningitá pantaü yagüta laugiagua, ah

Oh, ah, keimon arihei numa eh

Busan lira Willi, eh.

Ah bigaburi gubeiñei lira eh.

Busan gubeiñei lira Wili, hama lirahüñu ubou, oh

Ah arufudei mutu oh, luaguya hiweruti eh.

**6. Keima baguya nabu [4:57-6:06]**

Malügüdagwayabana nasiun,  
keimatia baguyu nabu oh, mesebeguadina öh,  
Ah, idayaba baragacha nau nasiun, oh?  
Mesebedali nuagu oh, wawan luni Bariun, oh  
keimatia baguyu nabu oh, mesebeguadina öh,

**7. Sigiwayu [6:08-7:31]**

Eh, taganba meñon Sigiwayu nuagu wawan  
Aningirá, houta ingini eh.  
Luba saraba nu oh, saraba nu wawanraü  
Marihinahali bigibu haña, aningirá houta ingini eh.  
Eh lubá nawaraliñon numala bau eh.  
Ah sakürünahali weyu namuleñe  
Barübei numaburigaü hañaraü öh

**8. Malayanali weyu [7:32-7:58]**

Malayanali weyu, da öh

Sakürinali weyu, ah nuguchuru oh

Da öh malayanali weyu laura nibiñeina

Gundaguau gumari, ¿tafurida sa öh?

**9. Anihá yuriguaü luagu ubou [7:59-8:41]**

Anihá yuriguaü

luagu ubou niduheñu oh

Marihinagili eh

Lirun wayu.

Lirun ubou niduheñu.

Marihinagili lira baré.

Gibe figou ubóuagu.

**10. Ladüga mutu nuni [8:42-9:37]**

Ladüga mutu nuni niduhenuh oh

Biana irumu nau da, adueirei Beni habu lagübürigu oh

Benigno ah,eh, daraba nau tun nigeberi wawan

Arihanamugon Wana, téibuga öh

Maburaganámuga tuma lubara mua, lubara lamuñachun tau eh.

**11. Niribañon adibinahoua [9:38-10:18]**

Niribañon adibinahoua, bulíei hawaguti eh

Ganahuriguatiwa wawariuagua

Oh,ah niribañon adibinahoua öh

Ah, maleta barigi eh, luni uburugun eh.

Gadibien haña eh? Bulíeigua öh

**12. Dagá fedu nuagu [10:19-10:50]**

Eh dagá fedu nuagu haña, nadina buei,

mayahuabá nau da, mayahuabá nau

ruba paséi nu nati, neibuga buei.

**13. Lirun lugudeme bouwen [10:51-11:55]**

Mama neremuhadi lira ma, naguira lira.

Naguarayali nuóugua, undibá ah, eh.

Ah haliagieli me sa auweni eh, buagu uguñe?

Lirun, lugudeme bouwen eh

Ah, ka un bigiron bageiña yara Lawaungu eh?

Saraba tun, anurei yara agurababu